



Pranuar / Dostiguar Priljezhen / Pristigjen Received / Delivered	18.10.2023	3	viti god year
Organ / Shënia Organ / Jednotica Org. / Unit	Rr. Prot. Rr. Prot. Prot. No.	Shënia Prillog Appendix	Sasia Koliciteta Quantity
SKANSK	6597/2023		115



Republika e Kosovës
Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.1140/2023

Këshilli i Pavarur Mbikëqyrës për Shërbimin Civil të Kosovës-Kolegji për shqyrtimin dhe vendosjen e ankesave i përbërë nga: Eshref Shabani-kryetar, Jeton Koca dhe Ardita Haxhnikaj-anëtarë, me Flakron Gashi-Zyrtar i Lartë për Bashkëpunim Profesional në cilësinë e procesmbajtësit, ka shqyrtuar ankesën A.nr.1140/2023 të datës 04.09.2023 të parashtruar nga ankuesi me adresë: [redacted] në Komunë të Podujevës, kundër Vendimit me Nr.prot:10-678/4 të datës 07.08.2023 të nxjerrë nga Udhëheqësi i Njesisë së Burimeve Njerëzore të Ministrisë së Drejtësisë, në çështjen juridike "kontestim konkursi", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 18.10.2023, mori këtë:

V E N D I M

- I. Refuzohet si e pabazuar ankesa me numër A.nr.1140/2023 e datës 04.09.2023 e parashtruar nga ankuesi.
- II. Mbetet në fuqi Vendimi me Nr.prot:10-678/4 të datës 07.08.2023 i nxjerrë nga Udhëheqësi i Njesisë së Burimeve Njerëzore të Ministrisë së Drejtësisë.

A r s y e t i m

Ministria e Drejtësisë, më datë 27.06.2023 ka publikuar njoftimin për shpallje të konkursit me numër Reference:RN00011870 për lëvizje brenda kategorisë për pozitën "Avokat Shtetëror", me afatin për aplikim nga data 12.07.2023 deri me datë 19.07.2023, ndërsa sipas shkresave të lëndës është vërtetuar se në këtë konkurs ka aplikuar edhe ankuesi, mirëpo të njëjtit i është refuzuar aplikacionin në fazën e verifikimit paraprak përmes Vendimit me Nr.prot:10-678/3 të datës 26.07.2023 i nxjerrë nga Udhëheqësi i Njesisë së Burimeve Njerëzore të Ministrisë së Drejtësisë

Ankuesi, kundër Vendimit me Nr.prot:10-678/3 të datës 26.07.2023 të Udhëheqësit të Burimeve Njerëzore të Ministrisë së Drejtësisë, ka parashtruar ankesë tek Njësia e Burimeve Njerëzore,

ndërsa Njësia e Burimeve Njerëzore me datë 07.08.2023 ka nxjerr Vendim me Nr.prot:10-678/4 me të cilin i ka refuzuar ankesën e ankuesit si të pa bazuar në ligj.

Ankuesi kundër vendimit me shifër Nr.prot:10-678/4 të datës 07.08.2023 i nxjerrë nga Udhëheqësi i Njësies së Burimeve Njerëzore të Ministrisë së Drejtësisë, përmes e-mailit ankesa.kpmsnck@rks-gov.net, më datë 04.09.2023, ka parashtruar ankesë në Këshillin e Pavarur Mbikëqyrës për Shërbimin Civil të Kosovës, e cila është protokolluar me numër 5941/2023, me pretendimet ankimore se vendimi është nxjerr me shkelje të dispozitave ligjore, aplikimi i bazuar i dispozitave ligjore për procedurën e konkursit, shkelje të parimit të barazisë për avancim në karrierë dhe lëvizje paralele, shkelje të parimit të ligjshmërisë dhe pranimit të zyrtarëve publik me propozimin që vendimi me shifër Nr.prot:10-678/4 të datës 07.08.2023 dhe vendimit me shifër Nr.prot:10-678/3 i datës 26.07.2023 të shfuqizohen, ndërsa konkursi për lëvizje brenda kategorisë me numër të Referencës RN00011870 i datës 27.06.2023 për pozitën Avokat Shtetëror të anulohet si i kundërligjshëm.

Këshilli i Pavarur Mbikëqyrës për Shërbimin Civil të Kosovës, konform dispozitave Rregullores Nr. 02/2018 për Procedurën e Shqyrtimit dhe Vendosijes së Ankesave në Këshillin e Pavarur Mbikëqyrës për Shërbimin Civil të Kosovës, me datën 13.09.2023 ankesën e ankuesit e ka proceduar për përgjigje në ankesë në Ministrinë e Drejtësisë. Më datë 20.09.2023 Këshilli ka pranuar përgjigjen në ankesë me shkresat e bashkëngjitura të lëndës.

Kolegji për Shqyrtimin dhe Vendosijen e Ankesave, për shqyrtimin e kësaj lënde ka administruar këto prova: Ankesën e ankuesit të parashtruar me datë 04.09.2023 në Këshillin e Pavarur Mbikëqyrës për Shërbimin Civil të Kosovës; Vendimi me Nr.prot:10-678/4 të datës 07.08.2023 i nxjerrë nga Udhëheqësi i Njësies së Burimeve Njerëzore të Ministrisë së Drejtësisë; Vendimi me Nr.prot:10-678/3 të datës 26.07.2023 i nxjerrë nga Udhëheqësi i Njësies së Burimeve Njerëzore të Ministrisë së Drejtësisë; vendimin e datës 17.07.2023 të Drejtorit të Drejtoratit të Administratës; Diplome nr.1601 Universitare e datës 03.07.2012 e ankuesit, me shkresat e bashkëngjitura: Certifikatë e lëshuar nga Universiteti i Prishtinës me titullin LL.M. Master në të drejtën penale e datës 26.10.2018 me nr. Ref.03-18/320, Certifikatë e datës 31.01.2017; Kërkesë për përgjigje në ankesë e datës 13.09.2023; Përgjigje në ankesë e datës 20.09.2023 nga NBNJ në Ministrinë së Drejtësisë; Konkursin e datës 27.06.2023; Aplikacionin e ankuesit të datës 19.07.2023 me dokumentet e bashkëngjitura si në vijim: Akt emërimi i datës 22.08.2014; Certifikatë e datës 05.06.2007; Certifikatë e datës 27.06.2022 mbi shtetësië; Formulari i vlerësimit të rezultateve në punës për vitin 2022, i datës 30.01.2023; Formulari i vlerësimit të rezultateve në punës për vitin 2021, i datës 28.01.2022; Certifikatë e datës 223-24.09.2014; Certifikatë e datës 12.09.2014; Certifikatë e datës 28.05.2012; Certifikatë mars 2015 prej 1/5 faqe; Certifikatë e datës 07-08 tetor 2014; Certifikatë e datës 25.09.2014; Certifikatë e datës 06.11.2014; Certifikatë e datës 09-10 tetor 2014; Certifikatë mars 2015; Certifikatë e datës 28.05.2021; Certifikatë e datës 12-13 shkurt 2015; Certifikatë nëntor 2015; Certifikatë shkurt 2015; Certifikatë e datës 28 shkurt deri me 01 mars 2017; Certifikatë prej 15-16-17 shtator 2015; Certifikatë e datës 07-08 tetor 2014; Certifikatë prej datës 23-24 shtator 2014; Certifikatë prej datës 16-17 mars 2016; Certifikatë e datës 01.05.2021; Certifikatë e datës 09-10 tetor 2014; Certifikatë e datës 12-13 shkurt 2015; Certifikatë prej datës 28 shkurt deri me 01 mars 2017; Certifikatë prej datës 15-16-17 shkurt 2015; Certifikatë prej datës 23-24 shtator 2014; Certifikatë prej datës 16-17 mars 2016; Vendim nr. Protokolli 01-174 i datë 23.02.2018;

Ankesën e datës 01.08.2023 të parashtruar në Njësinë për Menaxhimin e Burimeve Njerëzore të MD-së.

Kolegji për Shqyrtimin dhe Vendosjen e Ankesave, duke shqyrtuar të gjitha shkresat e lëndës të parashtruara nga palët në procedurë, ka konstatuar se ankesa e ankuesit . . . , është e pabazuar, sepse:

Kolegji i Këshillit bazuar në shkresat e lëndës, gjegjësisht sipas Ndryshimit dhe Plotësimit të Akt Emërimit të datës 30.05.2017 me numër prot:505 ka konstatuar se ankuesi ka mbajtur pozitën e punës "Udhëheqës i Sektorit për Punë Normative Juridike", ndërsa përmes Vendimin me numër protokoll 01/174 të datës 23.02.2018 i njëjti është transferuar në pozitën "Udhëheqës i Sektorit të Burimeve Njerëzore" në Agjencinë për Administrimin e Pasurisë së Sekuestruar dhe të Konfiskuar në kuadër të Ministrisë së Drejtësisë. Po ashtu, Kolegji i Këshillit ka gjetur se Ministria e Drejtësisë me datë 27.06.2023 ka shpallur konkursin me numër Reference:RN00011870 për lëvizje brenda kategorisë për pozitën "Avokat Shtetëror", pozitë kjo e përcaktuar në Kategorinë Profesionale, klasa e pozitës Profesional 1.

Kolegji për Shqyrtimin dhe Vendosjen e Ankesave, lidhur me pretendimet ankimore të ankuesit ka analizuar dispozitat e nenit 38 paragrafi 1 të Ligjit Nr.06/L-114 për Zyrtarët Publikë ku përcaktohet se: "Plotësimi i pozitave të lira në kategorinë profesionale, të ulët dhe të mesme drejtuese, bëhet së pari nga nëpunësit civilë të së njëjtës kategori, nëpërmjet procedurës së lëvizjes brenda kategorisë", si dhe nenit 40 paragrafi 3 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, ku përcaktohet se: "Konkurrimi për lëvizjen brenda kategorisë është e mbyllur dhe në të kanë të drejtë të marrin pjesë vetëm nëpunësit civil ekzistues të së njëjtës kategori të punësuar në të njëjtin apo në një tjetër institucion të shërbimit civil" dhe ka ardhur në përfundimin se në procedurën e konkurrimit me numër Reference:RN00011870 për lëvizje brenda kategorisë për pozitën "Avokat Shtetëror", kanë të drejtë të marrin pjesë vetëm nëpunësit civil ekzistues të së njëjtës kategori, gjegjësisht të konfirmuar në detyrë në kuadër të Kategorisë Profesionale qoftë brenda institucionit apo institucioni tjetër në kuadër të Shërbimit Civil.

Kolegji i Këshillit thekson faktin se dispozitat e ligjit material i kanë përcaktuar dhe rregulluar klasat dhe kategoritë e pozitave të punës në kuadër të Shërbimit Civil, respektivisht neni 33 paragrafi 2 i Ligjit Nr.06/L-114 për Zyrtarët Publikë ka përcaktuar se: "Pozitat në Shërbimin Civil ndahen në këto kategori: 2.1. Kategoria e lartë drejtuese, që përfshin këto pozita: sekretar i përgjithshëm, drejtor ekzekutiv dhe zëvendësdrejtor i një agjencie ekzekutive, si dhe pozitat e baraslershme; 2.2. Kategoria e mesme drejtuese, që përfshin këto pozita: drejtor i departamentit dhe pozitat e baraslershme me të; 2.3. Kategoria e Ulët Drejtuese, që përfshin këto pozita: shefi i divizionit dhe pozitat e baraslershme me të; dhe 2.4. Kategoria profesionale, që përfshin zyrtarët profesionalë", ndërsa në kuptim të nenit 12 të Rregullores Nr.26/2020 për Klasifikimin e Vendeve të Punës në Shërbimin Civil ndërlidhur me Shtojca Nr.1/7: Përkrahimi i përgjithshëm i punës për klasën Drejtues i Ulët 2 të së njëjtës rregullore, Kolegji i Këshillit konstaton se pozita të cilën e mban aktualisht ankuesi "Udhëheqës i Sektorit të Burimeve Njerëzore" hynë në Kategorinë e Ulët Drejtuese (klasa Drejtues i Ulët 2), ndërsa pozita për të cilën është hapur konkursi për lëvizje brenda kategorisë "Avokat Shtetëror", hyn në kuadër të Kategorinë Profesionale.

Po ashtu, duke ju referuar Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës ka specifikuar kushtet dhe kërkesat e veçanta, për lëvizjen brenda kategorisë, përkatësisht me nenin 41 paragrafi 1 dhe 2 nën paragrafi 2.1 dhe 2.2 të kësaj rregullore përcaktohet se: "1.Për të aplikuar për lëvizjen brenda kategorisë, duhet të plotësohen së bashku, kushtet për lëvizjen brenda kategorisë dhe kërkesat e veçanta për pozitën e lirë për të cilën zhvillohet procedura e konkurrimit. 2 Kushtet që duhet të plotësojë kandidati për procedurë të lëvizjes brenda kategorisë janë: 2.1. të jetë nëpunës civilë i të njëjtës kategori për të cilën aplikon: 2.2. të jetë nëpunës civil i konfirmuar në detyrë në rastin e lëvizjes brenda kategorisë profesionale", si rrjedhojë Kolegji i Këshillit konstaton se ankuesi me rastin e aplikimit për pozitën "Avokat shtetëror" nuk i ka plotësuar parakushtet ligjore të përcaktuara me dispozitat e kësaj rregullore në rastin konkret, sikurse nuk i ka plotësuar as parakushtet e përcaktuara me dispozitat e nenit 38 paragrafi 1 të Ligjit Nr.06/L-114 për Zyrarët Publikë ngase i njëjti nuk ka qenë i konfirmuar në detyrë në kuadër të Kategorisë Profesionale, dhe se lëvizja brenda kategorisë është e hapur vetëm për lëvizje brenda saj në kuadër të shërbimit civil siç përcaktohet edhe me nenin 40 paragrafi 3 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, pasi që ankuesi në momentin e aplikimit ka qenë i konfirmuar në detyrë në Kategorinë e Ulët Drejtuese, respektivisht vendimmarrja e njësisë përgjegjëse për ta refuzuar aplikacionin e ankuesit në fazë e verifikimit paraprak është e ligjshme në kuptim të nenit 45 paragrafi 1 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës , ndërsa pretendimet ankimore të ankuesit janë të bazuar.

Prandaj nga se u tha si më lartë, Kolegji i Këshillit konstaton se Vendimi me Nr.prot:10-678/3 i datës 26.07.2023 i Udhëheqësit të Burimeve Njerëzore në Ministrinë e Drejtësisë, lidhur me refuzimin e aplikacionit e ankuesit, si dhe nxjerrjen e Vendimit me Nr.prot:10-678/4 i datës 07.08.2023 të Udhëheqësit të Burimeve Njerëzore të Ministrisë së Drejtësisë përmes të cilët është refuzuar ankesa e ankuesit e datës 01.08.2023 duke lënë në fuqi Vendimi me Nr.prot:10-678/3 i datës 26.07.2023, është vepruar në pajtueshmëri me nenin 33, nenin 38 të Ligjit Nr. 06/LI-114 për Zyrarët Publikë, nenin 40 dhe nenin 41 të Rregullores (QRK) Nr.16/2020 për Pranimin dhe Karrierën në Shërbimin Civil të Republikës së Kosovës, dhe po ashtu ky vendim përmban elementet e aktit administrativ dhe arsyetimi i tij është në pajtim me nenin 47 dhe nenin 48 të Ligjit Nr. 05/L-031 për Procedurën e Përgjithshme Administrative, pasi që kanë vërtetuar gjendjen faktike dhe bazën juridike ngase pretendimet ankimore të ankuesit janë të pabazuara në dispozitat e ligjit material dhe akteve nënligjore që rrjedhin prej tij.

Duke marr parasysh të gjitha shkresat e lëndës dhe provat e bashkëngjitura në lëndë, Kolegji për Shqyrtimin dhe Vendorsjen e Ankesave, bazuar në nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij Vendimi.

Vendimi hyn në fuqi ditën e nënshkrimit nga Kryetarja e Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh, nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr.1140/2023.

Flakron GASHI

Zyrtar i Lartë për bashkëpunim Profesional



Vendimi i dërgohet:

- Ankuesit
- Sekretarit të Përgjanshëm në Ministrinë e Drejtësisë;
- Udhëheqësit të Njësisë së Burimeve Njerëzore në Ministrinë e Drejtësisë dhe
- Arkivit të KPMSHCK-së.